

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 49. stav (7) Pravilnika o licencama – Prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju, održanoj 18. decembra 2019. godine, donijeta je

ODLUKA O NASTAVKU KORIŠTENJA LICENCE

1. Društvo "Axpo BH" d.o.o. sa sjedištem u Sarajevu, Ulica fra Anđela Zvizdovića broj 1, vlasnik licence za obavljanje djelatnosti međunarodne trgovine električnom energijom, registracijski broj 05-28-12-243-17/19 od 16. oktobra 2019. godine, nastavlja sa korištenjem ranije dodijeljene licence sa sjedištem u Mostaru, Ulica kralja Petra Krešimira IV bb – Rondo, Lamela IV, uz neizmijenjene uvjete licence.
2. Ova odluka stupa na snagu danom donošenja, a dispozitiv odluke bit će objavljen u "Službenom glasniku BiH" i službenim glasilima entiteta.

Obrazloženje

Društvo "Axpo BH" d.o.o., sa sjedištem u Sarajevu, u Ulici fra Anđela Zvizdovića 1, vlasnik je licence za obavljanje djelatnosti međunarodne trgovine električnom energijom, koja mu je izdata Odlukom Državne regulatorne komisije za električnu energiju (u daljnjem tekstu: DERK) broj 05-28-12-243-16/19 od 16. oktobra 2019. godine, na period od 22. novembra 2019. godine do 21. novembra 2024. godine.

Vlasnik licence je aktom od 28. novembra 2019. godine, zavedenim pod brojem 05-28-13-413-1/19, obavijestio DERK o promjeni sjedišta i adrese, sa ciljem da se ovi podaci izmijene u službenim evidencijama DERK-a.

Prijava izmijenjenih podataka naknadno je potkrijepljena i odgovarajućom dokumentacijom, te je uvidom u ovjerenu kopiju rješenja o izmjenama podataka Općinskog suda u Mostaru od 14. novembra 2019. godine, utvrđeno da je u sudski registar upisana promjena sjedišta i adrese subjekta upisa "Axpo BH" d.o.o., tako da se umjesto sjedišta u Sarajevu, u Ulici fra Anđela Zvizdovića broj 1, upisuje sjedište u Mostaru, u Ulici kralja Petra Krešimira IV bb – Rondo, Lamela IV. Ove činjenice su potvrđene i aktuelnim izvodom iz sudskog registra Općinskog suda u Mostaru od 27. novembra 2019. godine, čija je ovjerena kopija također dostavljena.

Imajući u vidu da se, shodno Pravilniku o licencama – Prečišćeni tekst, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane iste pravne osobe, to je, na osnovu člana 49. stav (7) Pravilnika o licencama – Prečišćeni tekst, donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-413-5/19

Predsjedavajući Komisije

18. decembra 2019. godine

Tuzla

Suad Zeljković